

付法藏因緣經卷第五

集五

後魏沙門吉叉夜共曇曜譯

商那和修臨涅槃時以法付囑優波瓈多而
作是言昔婆伽婆以無上法囑累尊者摩訶
迦葉欲令衆生執大明炬永離諸苦受涅槃
集五
樂迦葉次付吾師阿難阿難轉復囑累於我
我欲滅度委付於汝汝若於後欲涅槃者摩
突羅國有善男子當出于世名提多迦久修
願行辯才無盡汝當於後度令出家可以法
眼悉囑累之優波瓈多言唯然受教逮至尊

者優波瓈多化緣將訖意欲涅槃觀提多迦
出世未也思惟便知猶未出世爾時尊者優
波瓈多將比丘衆往詣其舍漸漸轉少乃至
單已其父長者問言大聖豈無眷屬何以獨
行優波瓈多答曰長者我出家人無有給侍
若有人者當見垂惠長者復言我樂居家不
能爲道若後生子必相奉給優波瓈多言善
哉斯意當守此心勿令變悔而此長者數生
諸子年皆童稚輒便命終最後生子名提多
迦顏貌瓊偉聰明黠慧善能受學諸經論記

過去修行深種善本優波毘多往從索之長者歡喜手自付與將至僧坊度令出家年滿二十爲受具戒初白僧之時斷見諦結得須陀洹第一羯磨薄姪怒癡獲斯陀含第二羯磨欲界結盡得阿那含第三羯磨尋時斷除三界煩惱建立梵行成阿羅漢三明遠照六通具足遊步隱顯自在無礙優波毘多而告之曰慧日世尊慈悲普覆欲濟衆生生死大苦以無量劫所集之法囑累尊者摩訶迦葉作大明燈照諸癡闇普令一切皆得修學斷

絕愛網出欲淤泥迦葉次付阿難比丘阿難滅度囑累吾師商那和修商那和修以付於我如是相續常轉法輪灑甘露味療煩惱渴然我今者所作已辦涅槃時至滅度不遠以此法寶持用付汝汝可於後受持頂戴勤加守護無令漏失演法光明照愚癡闇又提多迦如來涅槃賢聖隱沒所有一切深經寶藏漸當衰損墮沒於地世間昏冥流轉生死所以者何在昔吾師商那和修既滅度後七萬七千本生諸經滿足一萬阿毗曇藏凡有八

萬清淨毗尼如斯等法皆悉隨滅一人涅槃衆法衰滅況多賢聖俱皆滅度淨妙勝法永無遺餘是故我今慇懃付汝汝當至心敬順我意於諸衆生起大悲想受持流布無令斷絕提多迦言敬受尊教我當擁護如斯正法爲未來世作不請友於是次宣無上法味其所化度甚大弘廣緣訖涅槃人天悲感即收舍利起土寶塔燒香散華種種供養爾時提多迦臨滅度時以法付囑最大弟子名彌遮迦多聞博達有大辯才而告之曰佛以正法

付大迦葉如是展轉乃至於我我將涅槃用付於汝汝當於後流布世眼彌遮迦言善哉受教於是宣流正法寶藏令諸衆生開涅槃道化緣已竟臨當滅度爾時彌遮迦復以正法次付尊者佛陀難提令其流布勝甘露味難提於後廣宣分別轉大法輪摧伏魔怨爾時佛陀難提付囑佛陀密多其人德力甚深無量善巧方便化諸衆生令離惡見趣最勝道以大智慧而自莊嚴演清淨味摧滅異學如是功德不可窮盡我今隨順說其少分有

大國王總領天下高才勇猛多聞博達宗事
異學信受邪見於佛法僧恒懷輕毀佛陀密
多作是念言吾師難提以法付我我當云何
敷演勝眼令諸衆生普得饒益復作是念今
此國王甚大邪見我宜先往而調伏之譬如
伐樹若傾其本枝葉華莖豈得久立作是念
已於十二年躬持赤旛在王前行經歷多時
王都不問過是已後忽便問之斯是何人在
吾前行尋便召命而問其意答言大王我是
智人善能談論欲於王前求一試驗爾時大

王即便宣令國內所有諸婆羅門長者居士
聰明博達善於言辭悉可集吾正勝殿上與
一沙門共對議論於是一切邪見外道辯才
深遠智慧博達天文地理靡不綜練含忿毒
心競來雲集時彼大王於正殿上嚴辨供具
羅布茵蓐燒香散華莊麗明淨佛陀密多即
昇法座共諸外道建無方論淺智之者一言
即屈其多聰辯再便辭盡王見諸人理皆窮
匱躬與密多自共議論始起言端亦尋摧屈
佛陀密多即作是念我與王論不應顯勝而

語之言此義深淺王自解了爾時彼王即知其屈迴改邪心敬信正法受三自歸爲佛弟子於自國土弘宣道化時此國中有一尼乾集五邪見熾盛毀謗正法辯慧聰達善能數算佛陀密多欲化彼故往爲弟子就受斯術不四久習學皆悉通了彼尼乾子出大惡聲罵辱於佛佛陀密多語尼乾子莫出斯言令汝獲罪此報必當墮大地獄尼乾子言汝豈能知如此之事密多答曰若不見信汝可算之既算已後自當證知時彼尼乾便自推算尋見其

身必墮地獄即大恐怖深生憂悔向於密多五體投地白言仁者我當云何得免斯咎佛陀密多告曰尼乾如因地倒還扶而起汝若歸佛此罪可滅爾時尼乾起大信心以五百偈讚歎如來改悔先罪甚自訶責佛陀密多即告之曰汝以此心善業緣故命終必得生于天上尼乾復言汝云何知我得生天密多告曰若不見信自算求實時尼乾子即便下算自見已身罪滅生天便大歡喜求哀出家密多答言今日宜可告汝眷屬然後乃當相

度出家尼乾弟子凡五百人即往其所而告之曰我見勝理情甚愛樂欲於佛法出家爲道汝等今可隨意所欲更稟明師諮詢受勝法時諸弟子咸白師言本相宗仰如大雲蓋師入勝道意樂相隨時彼尼乾與五百人至尊者所俱共出家於是尊者佛陀蜜多美聲流布遍闍浮提其所教化無量衆生緣盡捨命弟子悲感收聚舍利起塔供養爾時尊者佛陀蜜多化緣既訖將欲捨壽告一弟子名脢比丘汝當於後廣敷聖教化諸衆生令得解

睂白言大師敬承尊教我當至心守護正法彼脢比丘由昔業故在母胎中六十餘年既生之後鬢髮皓白歎惡五欲不樂居家往就尊者佛陀蜜多稽首禮足求在道次即度出家爲說法要譬如鮮淨白疊易受染色便於座上得羅漢道三明照徹六通無礙勤修苦行精進勇猛未曾以脢至地而卧時人即號爲脢比丘善說法要化諸衆生所作已訖便入涅槃收集舍利起塔供養時彼脢比丘垂當滅度告一比丘名富那奢長老當知佛法

微妙有大功德是故諸聖頂戴奉持我受付
囑守護斯法今欲涅槃用累於汝汝宜至心
擁護受持時富那奢答曰唯然於是演暢微
妙勝法其所化度無量衆生後於一時在閑
林下結加趺坐寂然思惟有一大士名曰馬
鳴智慧淵鑒超識絕倫有所難問靡不摧伏
譬如猛風吹拔朽木起大橋慢草芥群生計
實有我甚自貢高聞有尊者名富那奢智慧
深邃多聞博達言諸法空無我無人懷輕慢
心往詣其所而作是言一切世間所有言論

我能毀壞如電摧草此言若虛而不誠實要
當斬舌以謝其屈富那奢言佛法之中凡有
二諦若就世諦假名爲我第一義諦皆悉空
寂如是推求我何可得爾時馬鳴心未調伏
自恃機慧猶謂已勝富那語曰汝諦思惟無
出虛語我今與汝定爲誰勝於是馬鳴即作
集五
是念世諦假名定爲非實第一義諦性復空
寂如斯二諦皆不可得既無所有云何可壞
我於今者定不及彼便欲斬舌以謝其屈富
那語言我法仁慈不斬汝舌宜當剃髮爲吾

弟子爾時尊者度令出家心猶愧恨欲捨身
命時富那奢得羅漢道入定觀察知其心念
尊者有經先在闇室尋令馬鳴往彼取之白
言大師此室闇冥云何可往告曰但去當令
汝見爾時尊者即以神力遙伸右手徹入屋
內五指放光其明照闇室中所有皆悉顯現
爾時馬鳴心疑是幻凡幻之法知之則滅而
此光明轉更熾盛盡其技術欲滅此光爲之
既疲了無異相知師所爲即便摧伏勤修苦
行更不退轉如是尊者以善方便度諸衆生

所應作已入於涅槃四衆感戀起塔供養昔
富那奢臨涅槃時以法付囑弟子馬鳴而告
之曰譬如闇室然大明炬所有諸物皆悉照
了法之明燈亦復如是流布世間能滅癡闇
是故如來演斯正法普令一切皆悉修行諸
賢聖人常加守護共相委囑乃至於我我以
集五
勝眼持用付汝汝當於後至心受持今未來
世普得饒益馬鳴敬諾當受尊教於是頒宣
深奧法藏建大法幢摧滅邪見於華氏城遊
行教化欲度彼城諸衆生故作妙妙樂名囉

吒和羅其音清雅哀婉調暢宣說苦空無我
之法所謂有爲如幻如化三界獄縛無一可
樂王位高顯勢力自在無常既至誰得存者
如空中雲須臾散滅是身虛偽猶如芭蕉爲
怨爲賊不可親近如毒蛇篋誰當愛樂是故
諸佛常訶此身如是廣說空無我義今作樂
者演暢斯音時諸妓人不能解了曲調音節
皆悉乖錯爾時馬鳴著白氈衣入衆妓中自
擊鐘鼓調和琴瑟音節哀雅曲調成就演宣
諸法苦空無我時此城中五百王子同時開

悟厭惡五欲出家爲道時華氏王恐其民人
聞此樂音捨離家法國土空曠王業廢壞即
便宣令其土人民自今勿復更作此樂彼華
氏城中凡九億人月支國王威德熾盛名曰
栴檀罽昵吒王志氣雄猛勇健超世所可討
伐無不摧靡即嚴四兵向此國土共相攻戰
然後歸伏即便從索九億金錢時彼國王即
以馬鳴及與佛鉢一慈心雞各當三億持用
奉獻罽昵吒王馬鳴菩薩智慧殊勝佛鉢功
德如來所持難有慈心不飲蟲水悉能消滅

一切怨敵以斯緣故當九億錢王大歡喜爲納受之即迴兵衆還歸本國彼罽呢吒有大功德被弘誓鎧志願堅固曾以泥團置於塔

集五
上因立誓曰若吾來世千佛數中得成正覺令此泥團變爲佛像作是願已應時尋底儀相奇特狀若圖畫心大歡喜踊躍無量王於後時在路遊行見外道塔七寶莊嚴便大歡喜謂如來塔前禮稽首至心恭敬燒香散華說偈讚曰

具足一切智 斷除欲惱障 衆仙最勝尊

名稱遍三界 解脫離諸有 哀愍群萌類所說成真諦 能傾邪論幢 是故我今者頂禮應供尊

說是偈已應時寶塔分散崩落王見驚怖而作是言我於今者福將欲盡失王位乎何故我適禮此寶塔而便頽毀有人語言王所禮者是外道塔以其威德微末渺少不堪受王福德人禮是故爾耳即發塔下得尼乾屍衆人歎曰奇哉大王德力深厚禮此邪塔令其毀壞王之功德比於梵天又罽呢吒曾於一

時命剃鬚師教剃已鬚時剃鬚師在王前立而作是言我子端正智慧希有唯願大王垂哀矜愍以女妻之王大瞋恚而語之曰汝是賤人種姓卑劣云何我女妻汝子乎即便驅逐令至餘處而自默然不敢復語後更召來言還如前如是至三王思惟曰今此地下必有伏藏故令斯人敢爲此語即便使人當下發掘尋便大獲種種寶藏王之智慧其事如是又罽呢吒在於一時訪問群臣諸國土中頗有智人可諮詢不當於爾時有一比丘名

慧五

九

達摩蜜多智慧深遠功德具足善能通達三昧定相南天竺國有二比丘心意柔和深樂善法素聞尊者坐禪第一即共相將往詣其所於其住處有三重窟爾時二人至下窟中見一比丘著弊壞衣形貌醜陋端坐窟前爲僧然火時二比丘問言長老達摩蜜多爲在何處答言今在最上窟中汝等宜可急往見之爾時二人進至上窟見向比丘已於中坐時一比丘語其伴曰此老比丘云何乃似向所見者時伴比丘聰慧機悟即語之曰今此

尊者尚能如是流布名聞豈不能至此處而坐即前爲禮稽首問曰大德威名世間希有何故自屈爲僧然火達摩密多告比丘曰子今當聽我念生死受苦長遠若使頭手可得然者吾當爲僧而盡然之況餘身分及以然火何足爲難吾念往昔五百世中常受狗身飢窮羸乏唯曾再飽乃於昔時值有一人飲酒既醉嘔吐委地我於是時食而得足又昔曾有夫妻二人以器煮糜熟已出外我見無人至其家內頭入器中食糜得足後欲出頭

了不能得於是夫妻從外還入見食其糜深生瞋忿即以利刀用剪吾首於五百世受斯狗身雖二飽滿而失身命以是思惟生死長久周遍五道受苦無量故吾今者不憚勤勞躬爲衆僧而自然火時二比丘聞是語已深觀生死無量過患應時逮得須陀洹道如是尊者達摩密多智見高遠名稱流布王諸群臣素聞其名咸共白言大王當知罽賓山中有一比丘名達摩密多才慧超倫福德深厚王宜往彼問訊供養時罽毗吒即便嚴駕前

後圍繞往罽賓山離彼住處五百餘里王自
念言若彼比丘福德淵廣乃能受吾恭敬禮
拜設薄福人終不堪也達摩蜜多性好純素
著弊壞衣顏容憔悴尊者弟子咸作是言罽
毘王威名高遠屈駕來此禮觀大師宜自
莊嚴著新淨服無令爲彼之所輕賤達摩蜜
多告弟子曰如來昔日無有教勑若見豪貴
則便莊嚴且出家人麤弊是常既得其宜何
所改易爾時彼王即便前進稽首恭敬問訊
起居達摩蜜多知其心念即便咳唾使王承

之爾時毘王長跪合掌受唾而棄問言我今
堪王供不王即摧伏倍生敬信尊者告曰王
昔曾於勝道而來今可還從本路而去既聞
是語受教歸國爾時群臣咸生嫌忿云何大
王本訪勝人既得見之都不諮詢王告臣曰
汝豈能知若斯集五事耶我於往昔積修福行今
得爲王才慧超世尊者令我還修大業已受
訓誨更何問乎王於後時至毘王塔前路見
有五百乞人同聲求哀稱施如我王聞是已
大施乞人金銀琉璃象馬田宅迴還造作種

種施會賑恤貧乏存慰孤老正法治世仁育
天下時有一臣名曰天法便作是念云何大
王見斯乞人建立如是功德勝業即問王言
今王何緣見此乞人廣爲斯福爾時大王告
天法曰乞人於我有深利益以其身形及與
語言欲見曉悟我昔爲王不修福因是故今
者飢寒窮困身體憔悴受諸苦惱王若不能
乞匱貧乏未來之生必當如我飢寒羸劣彼
乞人者其事若此吾悟斯事是以爲福天法
白言王今不但位勝天下智慧亦能總御萬

國時安息王性甚頑暴將統四兵伐罽呢吒
罽呢吒王亦即嚴誠兩陣交戰刀劍繼起罽
呢吒王尋便獲勝殺安息人凡有九億問群
臣曰今我此罪可得滅不諸臣答言大王殺
戮凡九億人罪旣深重云何可滅時罽呢吒
尋置大鑊於七日中煮湯令沸涸涌騰波熾
熱炎盛以一金環置斯湯內顧問群臣誰巧
方便能得此環時有一臣來應王命便投冷
水隨而取之手無傷爛尋獲金環王告臣曰
我所爲罪如彼沸湯悔必可滅猶冷水處吾

所殺人雖有九億其罪重者唯二人半我當殺時有兩賢信臨彼形戮稱南無佛而我殺之斯罪深重其一人者口言南無未知是佛爲富蘭那我復殺之故名半人爾時有一羅漢比丘見罽呢吒造斯惡業欲令彼王恐怖悔過即以神力示其地獄所謂斫刺劍輪解罽呢吒^{集五}王言善哉受教於是馬鳴廣爲彼王說清

惡爾時馬鳴即語王言王能至心聽我說法隨順吾教頂戴受持令王此罪不入地獄罽呢吒言善哉受教於是馬鳴廣爲彼王說清淨法令其重罪漸得微薄復有一醫名曰遮勒善解方藥聰敏多聞利智辯才慈和仁愛罽呢吒王素聞其名每常推覓會遇遮勒自詣王宮王聞醫至即作是言我今善能調和身體右脇而臥節量飲食若斯之者何用醫縱情極欲任放身口今王尚能歛攝防護何斯之苦若吾先知如是惡報正使我身肢節分解終不起心加害怨賊況於善人生一念

貪斯位久居世間王聞是已自知理屈即召
令入共相慰問醫即語言大王若能信受吾
教隨順不逆當令王身色力充足飲食消化
終無病患王曰善哉敬承來教其後不久所
愛夫人自覺有娠滿足十月生一男兒先已
集五
命終從胎倒出其母苦痛性命危惙從後展
轉生輒如是爾時遮勒入手胎中解其兒衣
然後乃出於是母人安隱全濟醫言大王自
今勿復幸此婦人若近之者必當如本罽昵
吒王姪欲火盛不自裁量更幸斯婦後續生

子如前苦毒時遮勒醫始覺五欲過患根本
便作是念罽昵吒王我躬教誨不受吾言致
斯衆苦當知愛欲甚不可樂敗德喪身莫不
由之壞好名聞污辱梵行凡夫迷惑不能捨
離智者了之觀如怨賊我今宜應捨斯惡法
隱居林藪坐閑念定於是遮勒王出家學道高
才邈世端明博達演諸記論遊化世間復有
一臣名摩嘵羅智慧超倫才藝希世白罽昵
吒大王若能隨順臣教必當令王威伏四海
一切宗仰八表歸德宜察臣言無令彰露王

曰甚善當如卿言爾時大臣廣集勇將嚴四種兵所向皆伏如電摧草三海人民咸來臣屬罽昵吒王所乘之馬於路遊行足自摧屈王語之言我征三海悉已歸化唯有北海未來降伏若得之者不復相乘吾事未辦如何便爾爾時群臣聞王此語咸共議曰罽昵吒王貪虐無道數出征伐勞役人民不知厭足欲王四海戍備邊遠親戚分離若斯之苦何時寧息宜可同心共屏除之然後我等乃當快樂因王病瘧以被鎮之人坐其上須臾氣

絕由聽馬鳴說法緣故生大海中作千頭魚劍輪迴注斬截其首續復尋生次第更斬如是展轉乃至無量須臾之間頭滿大海時有羅漢爲僧維那王即白言今此劍輪聞犍椎音即便停止於其中間苦痛小息唯願大德垂哀矜愍若鳴犍椎延令長久羅漢愍念爲長打之過七日已受苦便畢而此寺上因彼王故次第相傳長打犍椎至於今日猶故如本如是馬鳴以本行願演甘露味爲罽昵吒王興大饒益其所度脫無量億人所應作已

便捨命行集其舍利起塔供養馬鳴菩薩臨
欲捨命告一比丘名曰比羅長老當知佛法
純淨能除煩垢汝宜於後流布供養比羅答
言善哉受教從是已後廣宣正法微妙功德
而自莊嚴巧說言辭智慧淵遠外道邪論無
不摧伏於南天竺興大饒益造無我論足一
百偈此論至處莫不摧靡譬如金剛所擬斯
壤比羅臨當滅時便以法藏付一大士名曰
龍樹然後捨命龍樹於後廣爲衆生流布勝
眼以妙功德用自莊嚴天聰奇悟事不再問

建立法幢降伏異道如是功德不可稱說今
當隨順顯其因緣託生初在南天竺國出梵
志種大豪貴家始生之時在於樹下由龍成
道因號龍樹少小聰哲才學超世本童子時
處在極抱聞諸梵志誦四韋陀其典淵博有
四萬偈偈各滿足三十二字皆即照了達其
句味弱冠馳名擅步諸國天文地理星緯圖
識及餘道術無不綜練有友三人天姿奇秀
相與議曰天下理義開悟神明開發幽旨增
長智慧若斯之事吾等悉達更以何方而自

娛樂復作是言世間唯有追求好色縱情極欲最是一生上妙快樂然梵志道勢非自在不爲奇策斯樂難辨宜可共求隱身之藥事若得果此願必就咸曰善哉斯言爲快即至術家求隱身法術師念曰此四梵志才智高遠生大憍慢草芥群生今以術故屈辱就我然此人輩研窮博達所不知者唯此殘法若授其方則永見棄且與彼藥使不知之藥盡必來師諮詢可久即便各授青藥一丸而告之曰汝持此藥以水磨之用塗眼瞼形當自隱

尋受師教各磨此藥龍樹聞香即使識之分數多少錙銖無失還向其師具陳斯事此藥滿足有七十種名字兩數皆如其方師聞驚愕問其所由龍樹答言大師當知一切諸藥目有氣分因此知之何足爲怪師聞其言歎未曾有即作是念矣此人者聞之猶難況我親遇而惜斯術即以其法具授四人四人依方和合此藥自翳其身遊行自在即共相將入王後宮宮中美人皆被侵掠百餘日後懷妊者衆尋往白王庶免罪咎王聞是已心甚

不悅此何不祥爲怪乃爾召諸智臣共謀斯事時有一臣即白王言凡此之事應有二種一是鬼魅二是方術可以細土置諸門中令人守衛斷往來者若是方術其跡自現設是鬼魅入必無跡人可兵除鬼當呪滅王用其計備法爲之見四人跡從門而入時防衛者驟以聞王王將勇士凡數百人揮刀空中斬三人首近王七尺刀所不至龍樹歛身依王而立於是始悟欲爲苦本敗德危身污辱梵行即自誓曰我若得脫免斯厄難當詣沙門

受出家法既出入山至一佛塔捨離欲愛出家爲道於九十日誦閻浮提所有經論皆悉通達更求異典都無得處遂向雪山見一比丘以摩訶衍而授與之讀誦愛樂恭敬供養雖達實義未獲道證辯才無盡善能言論外道異學沙門義士咸皆摧伏請爲師範即便自謂一切智人心生憍慢甚大貢高便欲往從瞿曇門入爾時門神告龍樹曰今汝智慧猶如蚊蠅比於如來非言能辯無異螢火齊輝日月以須彌山等尊巖子我觀仁者非一

切智云何欲從此門而入聞是語已歎然有愧時有弟子白龍樹言師恒自謂一切智人今來屈辱爲佛弟子弟子之法諦承於師諦承不足非一切智於時龍樹辭窮情屈心自念言世界法中津途無量佛經雖妙句義未盡我今宜可更敷演之開悟後學饒益衆生作是念已便欲爲之立師教戒更造衣服令附佛法而少不同欲除衆情示不受學選擇良日便欲成之獨處靜室水精房中大龍菩薩愍其若此即以神力接入大海至其宮殿

開七寶函以諸方等深奧經典無量妙法授與龍樹九十日中通解甚多其心深入體得實利龍知心念而問之言汝今看經爲遍未耶龍樹答言汝經無量不可得盡我所讀者足滿十倍過閻浮提龍王語言忉利天上釋提桓因所有經典倍過此宮百千萬倍諸處此比不可稱數爾時龍樹既得諸經豁然通達善解一相深入無生法忍具足龍知悟道還送出宮時南天竺二王甚邪見承事外道毀謗正法龍樹菩薩爲化彼故躬持赤旛在王

前行經歷七年王始懷問汝是何人在吾前行答曰我是一切智人王聞是已甚大驚愕而問之言一切智人甚爲希有汝自言是何以取驗龍樹答曰王欲知者宜當見問既說之後乃可證知王聞是語便作是念我爲智主大論議師問之能屈未足爲奇既不如彼所損甚多默然無言亦復非理如是思惟良久不決事既窮迫俛仰問之諸天今者爲何所作答言大王天今正與阿脩羅戰王旣聞已譬如人噎既不得吐又不得咽設非其言

無以爲證欲納彼說事又難明龍樹復言此非虛論王且待之須臾當驗語訖空中刀劍飛下長戟短兵相繼而落王復語言于戈矛稍雖爲戰器何必是天阿脩羅也龍樹答曰雖若虛言當驗以實作是語已脩羅耳鼻從空而下王始驚悟稽首爲禮恭敬尊重受其道化爾時殿上萬婆羅門見其神德歎未曾有剗除鬚髮而就出家時諸外道聞是事已悉來雲集含怒懷嫉求競言辯於是龍樹以大智慧方便言辭與諸外道廣共論議其愚

短者一言便屈小有聰慧極至二日辭理俱盡皆悉降伏剃除鬚髮就其出家如是所度無量邪見王家常送十車衣鉢終竟一月皆悉都盡如是展轉乃至無數廣開分別摩訶衍義造優波提舍十有萬偈莊嚴佛道大慈方便如是等論各五千偈令摩訶衍光宣於世造無畏論滿十萬偈中論出於無畏部中凡五百偈其所敷演義味深遠摧伏一切外道勝幢時天竺國有婆羅門邪見熾盛善知呪術欲以己能競名龍樹白彼王言唯願大

王垂哀聽我與此沙門爭捕道力若彼勝我當屬之我若勝彼當見屬我王言大德汝甚愚癡此苦薩者明同日月智齊衆聖汝今庸劣豈可爲比欲以鵝絲懸須彌山牛跡之水等量大海我今觀仁亦復如是幸自思惟無虧高德婆羅門言王爲智人一切瞻仰猶如日月莫不觀察吾言虛實宜以理驗大王云何逆見凌憤爾時彼王見其至意嚴駕往請龍樹菩薩清旦俱集正德殿上時婆羅門即以呪力化作大池廣長清淨池中出生千

葉蓮華自坐其上語龍樹曰汝處於地類同
畜生我居華上智慧清淨寧敢與吾抗言議

論爾時龍樹復以呪力化爲白象象有六牙

金銀交絡徐行詣池趣其華座以鼻絞拔高

舉擲地時婆羅門傷背委困即便摧伏歸命

龍樹我甚頑嚚犯逆大師唯願愍哀聽吾悔

過龍樹慈矜度令出家是時有一小乘法師
見其高明常懷忿嫉龍樹菩薩所作已辦將
去此土問法師言汝今樂我久住世不答曰
仁者實不願也即入閑室經日不現弟子咸

怪破戶看之遂見其師蟬蛻而去天竺諸國
並爲立廟種種供養敬事如佛

付法藏因緣經卷第五

音釋

瑣

姑田

切

蓐

而六

切

昵

尼貨

止忍

切

賑

舉救

也

悼

也

楚禁

切

誡

待誡也

銖

尚朱

切十

聚鉏

秦重

曰銖

驟救

也

疾被

乃版

切而

稍

色角

切

呪

呪魚斤

切口

不道忠信

也

者

言

蛻化

也